





LE
TE DEV M
DE LA FRANCE,

POUR L'HEUREUX MA-
riage du Roy avec la Serenissime
Infante d'Espagne.



A PARIS,

Chez NICOLAS ALEXANDRE,
ruë des Mathurins.

M. DC. XV.


M V E C T E
C 25E


F

39

326

1615





LE TE DEVM DE LA FRANCE,
pour l'heureux Mariage du Roy, avec la
Serenissime Infante d'Espagne.

BEnit soit le nom de Dieu, qui au
funeste aspect de l'impitoyable
Bellone, Deesse infernale de
meurtres, pilleries & saccagemens, nous a
conseruez dans le fort inuincible de sa mi-
sericorde, nostre sauuegarde assuree, &
nous fait recueillir les fruiets de la paci-
fique Oliue en la resurrection de nos sepul-
chres & tóbeaux. Benit soit nostre LOVYS
& nostre ANNE, donnez des Cieux, qui
changét nostre amertume en liesse, & no^s
font boire l'or potable de ceste tât desirée
Alliance, de laquelle ruisselle nostre bon-
heur & vie à grandes sources. D'icelle,
comme du haut paruis celeste, despart le
bon Ange, & la Colombe, qui rapporte
l'Oliue de la Paix.

———— pax optima rerum,

Quas homini nouisse datum est: pax una
triumphis.

A ij

*Innumeris potior : pax custodire salutem
Et ciues æquare potens.*

Nostre ANNE desirée vient comme vne victorieuse Thetis avec son Neptū, nostre LOVYs debonnaire, calmer nos orages, renfermer les vêts de nos miseres dans les rochers du boursoufflat Æole, & nous apporte toute sorte de bon-heur, comme fit jadis le Prestre sacré de Colchos & d'Egyre au sacrifice d'Athos. Si Thebes, ville renommée à cent portes, fut nommée heureuse pour la naisance du grād vainqueur Lyæ.

Eleufis, d'auoir eu dans son enceinte le riche & magnifique Temple à Ceres. Samos, Isle plātuseuse d'auoir esleué & nourry la pronube Deesse Iunon. Cypre & Paphé en la naissance de Venus. O combien mille & mille fois heureuses sur toutes villes seront nommées les villes limitrophes de France & Espagne, puis qu'en ces lieux LOVYs, Soleil luisant de nostre France, rencontrera l'Astre tres-beau d'Espagne sa bien-aymée Iunon.

Heureuses mille & millions de fois, ô

villes, puis qu'en vos places se rencôtrerônt
les deux plus grandes lumieres du monde.

Ouvre tes portes, ô Paris, jette à bas tes
murailles, que rien n'empesche ces Dieux
tutelaires qui arriuent pour combler ton
bon-heur.

O saison dorée! ô siecle fertile! l'heureux
Mariage de nostre Roy nous fait voir avec
toute allegresse tout nostre bon-heur en
vn coup.

La blonde Aurore quitte son Titan pour
venir participer à nostre ioye.

Les Tritôs & Nereides en oublient leurs
fontaines, lacs, estangs, & mers.

Les Faulnes, Syluains, Dryades & ha-
madriades leurs boscages, forests, & an-
tres mouffus.

Les Oreades leurs montagnes.

Les Hymnides & Orphée, leur doré &
plaisant sejour.

Les Nymphes Limoniades, Fées, Pan,
Aeglé, Galathée, les neuf Muses, Apollon
& Mercure y viennent à course legeremêt.

Heureux couple d'Amants, venez, nous

languissons, priuez si long temps du doux
& agreable aspect de vos yeux.

O France & Espagne, Monarchies tres-
heureuses ! O peuples bien-heureux sous
ceste sainte & inuincible Alliance.

Resiouy toy, ô France, & toy ville de
Paris, riche cité, merueille de l'vniuers,
mere de toutes sciences & arts, temple de
pieté, ferme & inconcussible siege de la
celeste Astrée Iustice ; voicy les fondemens
inuiolables de ton bon-heur : & qui les
osera outrepasser, cherra en mesme puni-
tion que le temeraire Remus, qui franchit
folemēt les bornes & limites de son frere.
Dressons icy, ô François, à ce sacré-saint
Mariage, nō des bornes pour nostre ioye,
mais vn Phare reluisāt à nos trophées que
le Ciel fauorable nous donne : vn Capitole
contre les Catilinaires : vne Rhodope cō-
tre les folastres magots.

Sortons de ceste hostellerie d'Agrigēte,
jettōs hors d'icelle les vieux meubles d'in-
constance, pour euitier le naufrage. Venōs
à voiles & rames au deuāt de nôtre LOVYS

qui nous rend bien heureux par ce saint
 Hymenée, avec le bel Astre d'Iberie, son
 ANNE, nostre Princesse. Nettoions ceste
 Isle Ambratie, cōme Pompée, & y cueil-
 lons les fruiçts de repos & d'abondance.
 Par tout ioye & resjouissāce, ô genereux
 François, voicy nostre Roy & Princesse,
 nouveaux Phœnix, nos Astres de bonnai-
 res, nos Herculs dompteurs de monstres,
 nos heureux Alcyons qui appaisent nos
 bourrasques & tempestes. nos Neptuns &
 Thetis qui arrestent les furieux Æoles qui
 menaçoient nostre nauire de triste nau-
 frage: Iò Pæan par tout, Iò S. Himenée:
 l'odorant Sabeen, le riche Phrygien, le de-
 licat Paphien, l'emperlé Arabe, le blond
 Apollō, & la sacrée troupe des Muses viē-
 nent bien-heurer les iours de ce saint Ma-
 riage. Le Dieu d'inuiolable foy tient en
 ses cofres sacréz le depost de ce saint Hy-
 menée. *Concorde* y consacre la Grenade,
 hieroglise d'inuiolable conjōction. *Verité*
 porte deuant eux le Soleil pour luire à leur
 Empire. *Fidelité* tient la clef de leurs

8

chastes & secrettes pensées.

Preñons donc, ô François, les armes de nostre Loy s debónaire sur nos espaules, comme les Ægyptiës celles de Mars, nous forcerons les portes de nos ennemis, qui paroissent à nostre horison, comme Oriós pour y esmouuoir tempestes, estendre la nuë, & couurir nostre clarté.

Il ne faut plus s'endormir comme Cleomenes, vaincu de presens à la chasse des Crocodiles. Consacrós à Mercure le hyeroglifique Peschier (qui a son fruiët & fueille en forme de langue, & de cœur) pour respondre à la persuation, & disons que nous n'en voulons point, si elle n'est bonne. Iettons en precipice l'halebarde de Ceneus, qui transformé en homme, tenoit tousiours de la folie foëminine, car sa valeur n'estoit qu'une nuée & bourrasque peinte en vn tableau: c'est le bœuf des Locres, composé de petites pieces de bois rapportées au lieu d'un naturel bœuf de sacrifice. Il le faut enuoyer avec le manteau d'Oreste aux Cynofarges: car les
mauuais

mauvais conseils contre nous sont dissipés
par la splendeur & bon-heur de ce Ma-
riage, fait de la main celeste, & n'aduien-
dront qu'aux hyperberettes des Mace-
doniens, c'est à dire fort tard, & en vain,
mais plustost iamais : Car

*Il n'est rien de plus fort qu'une ferme union
De deux grands Roys Chrestiens contre les
aduersaires.*

*Contre deux nul Hercul : & deux fortes
Pantheres,*

Terrasseront tousiours le plus nerveux Lyon.
Pussions nous donc voir en nos iours de
ce saint mariage naistre vne nouvelle
Amalthée, de laquelle sortira comme du
mariage de Iuppiter, & de la Déesse Py-
tarchie toute sorte de contentement.

Ouy nous le verrons, puisque nostre
ANNE comme vne Lampedon est fille
de Roy, sœur de Roy, & femme de no-
stre grand Roy : Nos siecles la verront
sous la faueur des benignes destinées,
mere, Grand mere & arriere grand' me-
re de Roys, & Ducs, & heureuse comme

vne Berenice qui fut fille, sœur femme & mere de ceux qui auoient esté tous couronnez aux ieux Olympiques. Ainsi

ANNE Soleil luisant, Infante de l'Espagne
Comble ja de bon-heur le Monarque François,
Qui ayant pres de soy ceste chere compagne
S'entendra renommer le plus heureux des Roys.
Aussi ces deux estans l'heur & l'honneur
de ce monde, le monde leur doit vn monde
de d'honneurs & d'homages.

Viuez, doncques, saint & heureux
couple d'Amants, puisque l'amour saint
est principe à toute chose.

Viuez puis que l'amour loyal tient la
preeminence sur la Necessité, & mesme
sur les Parques inexorables.

Viuez heureux, contents, puisque
Pectora legitimus corda momordit amor.

Viuez, puis que le Ciel fauorise benigne-
ment vostre course.

——— *Ainsi puisse tousiours*
Nostre peuple François, cōme celuy d'Afrique
Voir sans ombre vos nuits, sans nuage vos
iours,

Dans l'esmail transparent de son globe mystique.

Bref puis que le *Te Deum laudamus* s'entend de tous costez, que l'encens fume sur les sacrez Autels en signe de contentement & allegresse publique, ô France & Espagne que Dieu cōioinct d'un lien si estroit pour le bien & aduancement de son Eglise, & pour la ioye & contentement des deux Monarchies, erigeons en nos limites & par toutes nos contrées des Pyramides & Autels, deuant lesquels d'un mesme cœur & voix nous dressions ces vœux au Ciel, disans, O Dieu souuerain Monarque du Ciel & de la terre, qui dés la constitütion des siecles auez esleu ces deux pour les conioindre par le sainct & indissoluble lië de mariage pour vostre honneur & gloire, & le bien de vos peuples, faiçtes leur ceste grace, & à nous, que leurs deux mains soient tousiours munies des celestes & odorants Lys, & iointes avec perpetuelle concorde & amitié souz l'invincible nœud Gordien à la confusion & honte de leurs ennemis.

Heureux encore Hymen, heureux saint
 Mariage, puis que d'iceluy toutes sortes
 de benedictions nous arriuent comme
 vne manne celeste enuoyée miraculeuse-
 ment des cieux. O siecles bien heureux!
 mais ô France & Espagne tres-heureuses
 sur toutes regions! Paris sans pair, tres-
 plaissant sejour de nos Roys magnanimes,
 entoure toutes tes entrées de Lys, de roses,
 & toutes sortes de fleurs. Celebre solennel-
 lemēt les festes dediées à ces iours desirez:
 Tapisse tes rues, jonche les par tout d'o-
 dorants Narcisses, d'œillets & rosmarins.
 Resiouissez-vous, ô Vierges, ce saint &
 desiré Mariage vous tient à couuert, &
 vous deliure de la violence du refrongné
 & cruel gendarme: Apportez pour re-
 cognoissance des Couronnes de Lauriers
 victorieux, d'oliues pacifiques, & les plus
 beaux bouquets de vos delicieux parterres
 à l'honneur de ce saint Mariage. Tres-
 faillez de ioye, ô laboureurs, ceste belle
 Alliance comble vos greniers & caues de
 toute abondāce: & desia vos prez fleuris

vos campagnes bledieres ; vos collines
 purpurines en raisins, semblent se resjouir
 à l'honneur de ce saint Hymen, lequel
 nous promet tant de ioye, tant de biens &
 fertiles années consecutiues, que les natiōs
 estrangeres s'en esmerueilleront ; & com-
 me la Royne de Saba, despartirōt de leurs
 terres pour venir admirer avec acclama-
 tions de ioye nostre Salomon, nostre Roy
 pacifique, & nostre Princeſſe debōnaire.
 Et pourrons dire, voyans telle tranquillité,
 avec le Prophete : Resiouy toy, France,
 seconde Sion, ton amertume est changée
 en ioye, tes pleurs en ris ; le lyon paistra &
 s'esgayera avec le ieune bouueau ; le loup
 avec la brebis : le ieune enfant mettra son
 doigt au trou du Basilic, & n'en sera point
 offensé : ô ioye ! ô alegresse ! Qu'en tou-
 tes villes & bourgades soit entendu cest
 harmonieux son de cloches qui appelle
 dans les Temples sacrez le vieux, le ieune,
 la Vierge, l'enfant du laiēt, & tout ce qui
 a voix, & se meut à chanter à poulmōs &
 cœurs ouuerts : *Te Deum laudamus : Te*

Dominum confitemur. Que tout ce qui peut resonner & bruire face retentir les airs & les Echo des forests, de toutes sortes de voix de ioye & contentement. Arriere donc tous ennemis de nostre repos, changez vostre fureur en douceur, & venez avec nous vous incliner à la splendeur de nos deux Astres luisants, benins & favorables nostre cher LOVY S, & nostre ANNE desirée: & dites avec nous Iò Pæan, Iò S. Hymenée, Mariage saint, Mariage prospere, qui nous fera voir tant de biens. Et disons tous ensemble cecy.

Que de ce sacré saint Hymenée nous voyons de siecle en siecle des nouvelles plantes & fleurs renaissantes sans fin de ces deux illustres tiges pour gouverner leur florissant Empire.

Bref que les tres-Augustes & venerables noms de ces deux les plus grands, plus puissants & redoutez Roys de la terre puissent estre nommez & honorez en toutes tetres & regions, & sous Pestendart Chrestien triompher de tout le mon-

de, & receuoir esgalement du Ciel tout ce
vaste vniuers en partage.

Beny sois tu sans fin heureux sainct
mariage.

Loüé soit Dieu qui nous faict ceste
ioye. Ainsi soit-il.

THE HISTORY OF THE
CITY OF LONDON
FROM THE FOUNDATION
TO THE PRESENT TIME

By JOHN STOW.
The first Edition.

Printed by I. I. for I. I.
at the Sign of the Anchor
in St. Dunstons Church
in London.

